

¡BOMBA!


En Belem se habla un buen rato, sobre el calor en la Tierra; potencias prefieren guerra aunque no salga barato



K'untzil

Martes 11 de noviembre de 2025

CAMPECHE · YUCATÁN · QUINTANA ROO · AÑO 11 · NÚMERO 2604 · www.lajornadamaya.mx



Oochel Feria Xmatkuil

U asab ma'alo'obil waakaxo'ob Yucatáne' kóojo'ob ti'noj e'esajil ku beeta'al tu cha'anil Xmatkuil 2025

C húun 31ª FERIA Internacional de Ganadería Tropical, tu'ux jmu'uch' u maas jach ma'alobil 550 u tuúl waakaxo'ob cebuinail yéetel europeail yaan tu lu'umil Yucatán, Kaanpech yéetel Quintana Roo.

Béeychaj u yila'al mu'uk'a'an waaxak, yéetel u leelem tso'otso'ob. "Cada juntúul wakaxe' ku chiikbesik bix u jach ma'alobil u tséenta'al le ba'alche'oba' te'el lu'uma'" tu ya'alaj jveterinario Manuel Medina Castro, máax jo'olbesik Asociación de Criadores

de Ganado Bovino de Registro del Estado de Yucatán.

Ketame' yaan u káajal le 12 ti' noviembre ku taala', tu'ux yaan u xak'alta'al máakalmáak u jach ma'alobil cebuinas Indubrasil, Gyr, Guzerat, Sindhi yéetel Nelore, ka'alikil fin de semanae' yaan u máan ilbil u jach ma'alobil Brahman, u samal booxil yéetel y chakil. Juces yéetel wakaxnáalo'obe' ku paklan a'liko'ob: cha'ane' ma' chéen ku chiimpoltik u maas jats'utuil, beyxan beyka'aj u jach utuil

ba'alche'il ti'al u yantal u mejenil yéetel u kanik kuxtal ichil u ba'alche'ilo'ob le lu'uma'.

Ichil ba'axo'ob jach chiika'an te'el ja'aba', ti' yaan u plataformail digital ku ts'áak u páajtalil u yila'al jach tu súutukile', jejeláas ba'alo'ob yóok'olal u ch'i'ibal ba'alche', beyxan tsikbal beeta'an yéetel máax tséentik, yéetel bix u beetik le keetilo'. Yéetel e nu'ukula' táan u kaxta'al u mu'uk'ankúunsa'al u beel u cha'anil Xmatkuil, tumen ku chiikbesik u meyajil u tséenta'al

wakax yéetel ku ts'áak u páajtalil u yantal tsikbal ichil máax ku tséentik yéetel máax ku maan.

E'esajile' yaan u ts'o'okol 30 ti' noviembre. Ku páayt'anta'al kaa, xoknáalo'ob yéete je'el máaxak ti'al u cha'antik waakax ku tséenta'al te'el lu'uma', ti'al ka táakpajak ti' le jejeláas meyajjo'ob kun beetbil, wa ti'al ka ma'anak u jach ma'alo'obil ba'alchee'.

Ichil kajtalilo'ob táan u táakpajal te'el noj e'esajila' ti' yaan Rancho La Loma; Rancho Santa Lucía yéetel Rancho San Francisco.